



In mercuri ai 16.05.2012 él gnü sughé l' ritorno dla simifinala de Copa Provinzia por La Val, cuntra la squadra da Aicha (che é secundi te so campionat). Dô la buniscima partida dl andata ne ti era nia jüda massa bun por concuisté la finala.

Tratan düta la partida ne an nia udü aziuns concretes di sogadusc da La Val por fá gol. Mo sciöche al é bel sozedü plü gonot sön les uniches aziuns di aversarsc se ciafi le gol tres.

Insciö vëgnel ince a lüm le prüm gol dl Aicha a mesa le prüm tēmp. Al vëgn ite a mez en calcio d'angolo, spo el en defensur da La Val che spizurëia cun le cé y ne é nia bun dal trá demez. Mo la pala rōia sura le portier ite y bel avisa dlungia le palo jō. En autogol che ti scinca le vantaje al Aicha. Pūch dedō el Franzi che á na gran oportunité, mo so tiro fora dl area rōia de pūch dlungia le incrocio ia.

Pūch dan la fin dl prüm tēmp é le arbiter che ne fischia nia en rigore neto al Aicha. En sogadú da La Val abina sön en tiro dl Aicha la pala cun la man, mo por fortūna el le arbiter che ne á nia udü. Denant che le prüm tēmp se rōia el ciamò Ivan che podess fa en gol. Al rōia ite te area, mo so tiro rōia de pūch dlungia le palo cürt ia. Le prüm tēmp se stlūsc jō sön le 0 a 1.

Tl secundo tēmp é La Val che á da mēter man la partida tles mans, mo ai se stēnta da ruvé a conclujuns. Deache ai mēss fa en gol por rové inant, se sbilanciëia düta la squadra inant. Insciö ti garetel al Aicha le 0 a 2 sön contropiede. Al vëgn lancé in profondité le atacant dl Aicha, le defensur da La Val rōia in contrast de sciabla, mo le atacant é bun da sciuré dmez le defensur y

insciö el bun da se portè dlungia le portier ia y fa gol. En gol che ti taia en pü les giames a La Val. Bel avisa tl bun mumënt por paregé ti garetel le gol a Aicha.

La Val pro cíamò da recuperé mo ara ne va nia plü. Romeo es cíamò albün na bela oportunité da trá te porta, mo al é ot cun le spiné cuntra le portier y ne é nia bun insciö da fá en bel tiro. Alex Alton fesc ince en bel tiro fora dl area che rōia de püch sura la traversa fora. A mesa le secundo tēmp fosl magari ince stè en rigore por La Val. En defensur se tol la pala cun la man, mo le arbiter ne vëiga nia la mano.

Ala fina dla partida ti garetel cíamò le 0 a 3 a Aicha, indô sön en contropiede rōia le atacant cuntra le portier, Sepl vëgn fora y cun en bel palonetto el bun da scavalché le portier y mëter la pala te porta.

La partide se slüsc jö sön le 0 a 3 por Aicha che rōia insciö te finala cuntra Lajen che á ince batü San Laurēnz por 4 a 1.

La foramziun titolara: Kantioler Sepl, Tschaffert Ivan, Alton Alex, Castlunger Marco, Valentin Elmar, Frenes Micky, Sottara Freddy, Sottara Stefan, Frenes Daniel, Verginer Franzi y Rubatscher Romeo.

Sostituziuns:

Elzenbaumer Alex por Verginer Franzì